


Taimi kotoa pē 'oku ke vahevahe ai ha'o fa'u, 'ata pe tukuatu ha'o fakakaukau 'i he 'itaneti, tomu'a fakakaukau pe ko e hā e me'a 'oku ke loto ke 'ilo 'e he kakaí fekau'aki mo koé - pea mo e me'a 'oku 'ikai te ke loto ke nau 'ilo ki aí. 'E lava eni ke tokoni ki hono malu'i ho'o ngaahi fakamatala taautahá pea mo ho'o 'alunga-he-opé (digital footprint), mei he kakai te nau feinga pau'u atu 'aki kia koe, pe ke ma'u'aki ha monū ma'a kinautolu.

'E anga fēfē ke u tokanga ange ki he ngaahi me'a te u vahevahe atú?

Ke toe tokanga ange ki he ngaahi me'a 'oku ke vahevahe atu 'i he 'itaneti, 'e sai ke ke 'eke hifo pe kia koe 'a e ngaahi fehu'i ko ení kimu'a pea ke toki tuku atu e, me'a 'oku ke fie vahevahe atú, pea mo e tokotaha te ke vahevahe atu ia ki ai:

1. Ko hai ia 'e lava 'o hū pe sio ki ho'o ngaahi fakamatalá – ko hao maheni, fāmili, fānau ako pe kaungā ngāue?
2. Ko e hā 'a e 'uuni me'a 'oku angamaheni ke ke vahevahe mo e kakai koia - te ke fakahā kiate kinautolu ho hingoá, 'aho fā'ele'i, tu'asila 'oku ke nofo aí, ho'o ngaahi tuí, fakakaukaú pe ongó?
3. Ko e hā nai 'a e ola pe ko e iku'anga 'e hoko mei he me'a 'oku 'amanaki ke ke vahevahé - te ne fakatupu nai ha loto mamahi pe 'e taukovi ia ki ha taha kehe? 'E lava nai ke hoko ai ha ta'efemahino'aki? 'E uesia nai henihonoi ho ongoongó, pe ongoongo lelei 'o ha taha kehe?



Fakakaukau



"'Oku ou tomu'a fakakaukau pea u toki vahevahe atu"

Faka'apa'apa



"'Oku ou fai ki he taha kotoa pē 'a e me'a 'oku ou loto ke fai mai kiate au"

Fakahoko



"'Oku ou lava 'o malu'i lelei au koe'uhī 'oku hao mo malu 'a 'eku founiga ngāue 'i he 'itaneti"